



QR коди орқали газетанинг электрон вариантни юклаб олинг!

IJTIMOIY-SIYOSIY GAZETA

1 март – Ўзбекистон халқ шоираси Зулфия таваллуд топган кун

Баҳорни соғиниб

Шу кунларда баҳорга зорман,
Навжувонлик ўти танда йўқ.
Куз сингари заъфар рухсорман,
Мевалар ҳам шохлардан узук.

Шу кунларда баҳорга зорман,
Танхасталик эзади руҳим.
Танҳо эмас, қаторда борман,
Яна нени излайди суқим?

Шу кунларда баҳорга зорман,
Шаффоф, ёрқин куй тилар кўнгул.
Яхшиямки, қаламга ёрман,
Сўзлаб турар бор дилимни ул.

Шу кунларда баҳорга зорман,
Ўз баҳорим каби бемисол.
Баҳор қайтмас, ёнувчи қорман,
Ё нўноқ қўл бутаган ниҳол.

Шу кунларда баҳорга зорман...



Муносабат



Робахон МАХМУДОВА,
Ўзбекистон "Адолат" СДП
Сиёсий Кенгаши раиси

АДОЛАТЛИ ҚОНУНЛАР

аҳоли фаровонлиги, мамлакат тараққиёти учун хизмат қилади

Сўнгги йилларда мамлакатимизни иқтисодий жиҳатдан ривожлантириш, тадбиркорликни ҳар томонлама қўллаб-қувватлаш ҳамда тадбиркорлик субъектларининг ҳуқуқий ва қонуний манфаатларини ҳимоя қилиш мақсадида жадал ислохотлар амалга оширилмоқда. Хусусан, солиқ юкини пасайтириш ҳамда солиқ маъмурчилигини янада такомиллаштириш бўйича кенг кўламли чоралар кўрилмоқда.

Мазкур жараёнда тадбиркорлар ва инвесторларнинг фикри ва тақлифлари ҳам инобатга олинаётгани, мавжуд муаммо ва камчиликлар доимий таҳлил қилиниб, муносиб ечим топилаётгани Ўзбекистоннинг инвестициявий жозибadorлигини оширишга ҳамда иқтисодий-иқтисодий жадал ривожланишига хизмат қилмоқда.

2023 йил 18 август куни давлатимиз раҳбари тадбиркорлар билан учрашувда ҳозирги вақтда солиққа оид битта ҳуқуқбузарлик учун тадбиркор сифатида молиявий жарима, жисмоний шахс сифатида маъмурий жарима қўлланилаётгани, энди бундай амалиёт бекор қилиниши, тадбиркорларга қўлланиётган жарималар улар фаолиятининг тўхтаб қолишига сабаб бўлмаслиги зарурлиги, шу нуқтаи назардан, барча молиявий санкциялар қайта кўриб чиқилиб, адолатли меъёрлар белгиланиши хусусида алоҳида тўхталиб ўтганди.

Бугуннинг гапи

Газ қуйиш шохобчалари ҳақида онлайн маълумот олиш тизимини жорий этиш мақсадга мувофиқ

Юртимизда куз-киш мавсуми бошланиб, ҳаво ҳарорати пасайганда газ босимининг камайиши оқибатида автомобилларга газ қуйиш шохобчалари фаолиятига вақтинчалик чекловлар ўрнатилади. Бу эса, мамлакатимиздаги автомобилларнинг катта қисми газ ёқилғисидан ҳаракатланганлиги боис бир қатор қийинчиликлар келтириб чиқармоқда.

Бу ҳолат яна бир муаммони юзага келтирмоқда. Яъни, газ қуйиш шохобчаларининг ишлаш графиги, реал режимда ишлаётгани ёки ишламаётгани каби маълумотлар мавжуд бўлмаганлиги учун кўплаб навбатлар пайдо бўлишига олиб келмоқда, одамлар совуқ кунларда ушбу навбатларда бир неча соатлар давомида қолиб кетишга мажбур бўлмоқда.

Биз замонавий, инновацион рақамли технологиялар даврида яшамоқдамиз. Мазкур вазият хорижий тажриба асосида ҳар бир газ қуйиш шохобчаси ҳақида маълумотлар умумлаштирилган онлайн ахборот тизимини яратиш ва тизимли фаолиятни йўлга қўйишни тақозо этмоқда. Ушбу онлайн тизимда шохобчаларнинг ишлаш вақти, ишлаётгани ёки ишламаётгани, айти ҳолатдаги ёқилғи қолдири ва бошқа маълумотларни акс эттириши мақсадга мувофиқ.

Ушбу тизим фаолияти Энергетика вазирлиги томонидан муваффақиятли йўлга қўйилса, аҳолининг оғири енгиллашган, истеъмолчиларнинг ҳуқуқларини ҳимоя қилиш орқали сунъий равишда газ етишмовчилиги юзага келтирилишининг олди олинган ва кенг жамоатчилиги рози қилган бўлаемиз.

Бу ҳақида Олий Мажлис Қонунчилик палатасидаги фракцияимиз депутатлари томонидан Энергетика вазирлигига депутат сўрови киритилди.

Ўзбекистон "Адолат" социал-демократик партияси Матбуот хизмати

O'ZBEKISTON RESPUBLIKASI OLIY MAJLISI
QONUNCHILIK PALATASINING
DEPUTATI

2024-yil 13 oktabr 10-03/400 -sonli Toshkent sh.

Ўзбекистон Республикаси
Энергетика вазирлиги
Ж.Т.Мирзамаҳмудовга

ДЕПУТАТ СЎРОВИ

Сўнгги йилларда ёқилғи-энергетика тармогини комплекс ривожлантириш ҳамда энергия ресурсларига тобора ошиб бораётган эҳтиёжни таъминлашнинг муҳим омил бўлган энергия манбаларини диверсификация қилиш бўйича изчил ишлар олиб борилмоқда.

Олий Мажлис Қонунчилик палатасидаги "Адолат" СДП фракцияси ҳамда партия марказий Кенгаши билан ҳамкорликда жойларда олиб борилган ўрганишларнинг якуни ва фукоралардан келиб тушаётган мунозаралар шунинг кўрсаткичида соҳада натижадорликка эришиш бўйича айрим камчилик сақланиб қолмоқда.

Хусусан, об-ҳавонинг соғуни натижасида табиий газни етказиш кескарган ёки тўхтаганлиги тўғрисида олдидан истеъмолчиларни хабардор қилмаслик ёқилғи қуйиш шохобчаларида навбатларда вақт йўқотишларга ва табиийки аҳолининг ҳақли эътирозлари сабаб бўлмоқда.

Бундай ҳолат қуйидаги саволларни юзага келтирмоқда:
1. Аҳолида энергия ресурсларига бўлган эҳтиёжни тўлиқ қондириш ва ёқилғи қуйиш шохобчаларида хизмат кўрсатишда замонавий рақамли технологияларнинг жорий этиш бўйича қандай чоралар кўрилмоқда?

2. Истеъмолчиларнинг ҳуқуқларини ҳимоя қилиш учун газ қуйиш шохобчалари ҳақида маълумотлар (шохобчаларнинг ишлаш вақти, ишлаётгани ёки ишламаётгани, айти ҳолатдаги ёқилғи қолдири ва б.) умумлаштирилган онлайн ахборот тизимини (мобил иловасини билан бирга) нима сабабдан шу вақтгача яратилмаган?

Юқоридагилардан келиб чиққан ҳолда, "Парламент назорати тўғрисида"ги Ўзбекистон Республикаси Қонунининг 15-моддасига мувофиқ, Сиздан келтириб ўтилган саволлар юзасидан асосланган тушунтириш беришингизни ҳамда ўз нуқтаи назарингизни баён этишингизни сўраймиз.

Олий Мажлис Қонунчилик палатаси депутати,
"Адолат" СДП фракцияси аъзоси

Д.Хаммаев

Диққат,
янги руҳи:

СЕНИНГ
ТЕНГДОШИНГ



ИЛМ ШУЪЛАСИДАН
ДУНЁ
ФАРОВОН

Суҳбатдошимиз яқинда Олий таълим, фан ва инновациялар вазирлиги томонидан таянч докторантурада таҳсил олаётган докторантлар учун таъсис этилган Ўзбекистон Республикаси Президенти давлат стипендияси танловининг «Табиий ва аниқ фанлар» йўналиши бўйича ғолиби, деб топилди.



Партия ғоялари амалда

АСОСИЙ МАҚСАД — мамлакат тараққиёти, халқ фаровонлиги

**Гулбаҳор ҚОБУЛОВА,
“Адолат” СДП матбуот хизмати бош мутахассиси**

Бугунги кунда юртимизда амалга оширилаётган изчил ислохотларнинг барча мақсад-муддаоиси инсон шаъни ва қадр-қимматини юксалтиришга қаратилган. Бу устувор вазифанинг тўлақонли амалга оширилиши эса, энг аввало, қонунчилик тизими билан чамбарчас боғлиқ. Шу нуқтаи назардан, “Адолат” СДП “Адолат ҳамма ерда ва ҳар бир инсон учун!” шиори остида, жамиятда инсонлар ўз ҳаётидан мамнун бўлиб яшаши тарафдори сифатида ҳамиша фуқаролар ҳақ-ҳуқуқлари ҳимоясига қаратилган таклиф ва ташаббусларни илгари суриб келади.

“Саховат — беназир қадрият”

МУРУВВАТ — МЕҲР ЧАШМАСИ



Хусусан, “Маърифат” маҳалласида яшовчи яна бир ногиронлиги бор фуқаро Айсара Хужақуллова вилоят онкологик касалликларни даволаш диспансеридан айрим дори-дармонларнинг йўқлигини айтиб, даволаниши учун камёб дори-дармон топиб беришда амалий ёрдам сўради. Депутатлар томонидан вилоят онкологик касалликлар диспансери раҳбариятига мурожаат қилиниб, бемор зарурий дори-дармонлар билан таъминланиши ва даволаниши учун муддат белгиланди.

Шунингдек, “Маърифат” МФИда яшовчи яна бир фуқаро, II гуруҳ ногирони Нуриддин Маматвалиев яшаш манзилида доимий рўйхатда турмаганлиги сабабли оилавий поликлиника томонидан назоратга олинмаганлигини билдириб, бу борада амалий ёрдам сўраган. Депутатлар шаҳардаги 4-оилавий поликлиника шифокорлари билан боғланиб, мурожаатчини доимий рўйхатга олиш ва патронаж ҳамширалар томонидан тиббий кўриқдан ўтказиб бориш вақти белгиланди.

Халқ депутатлари вилоят Кенгаши депутати Рустам Ҳамраев Шўрчи тумани “Бах-шитеп” МФИда яшовчи бор фуқаро Матлуба Тўрахонованинг хонадонига бўлиб, муаммоларини ўрганди. Фуқаро Матлуба Тўрахонова депутатимизга ўткир буйрақ етишмовчилиги билан оғриши ва буйрақ кўчириб ўтказиш амалиёти учун маблағ зарурлигини айтиб, ёрдам сўради. Мазкур фуқарога амалий ёрдам бериш учун депутат томонидан Маҳалла хайрия жамоат фонди Сурхондарё вилояти бўлими қошида очилган “Саховат ва кўмак” жамғармасига билдиришнома киритилди. Депутатлар ўрганишлари давом этмоқда.

Юртимизда ногиронларни давлат томонидан қўллаб-қувватлаш, тиббий-ижтимоий ёрдам кўрсатиш, ҳаёт сифатини яхшилаш тизимини такомиллаштириш, уларга таълим олиш ва ишга жойлаштиришда ҳар томонлама кўмаклашиш чоралари кўрилмоқда.

Бу жараёнда партиямиз депутатлари томонидан ҳам ногиронларнинг муҳим эҳтиёж ва талабларига алоҳида эътибор қаратилиб, мурожаатлари асосида амалий кўмаклар кўрсатилмоқда.

**Гулшод ТУРСОАТОВА,
Сурхондарё вилоят кенгаши матбуот котиби**

Хусусан, халқ депутатлари Сурхондарё вилоят Кенгаши депутати Рустам Ҳамраев ва Термиз шаҳар Кенгаши депутати Абдуқодир Мустафоқулов томонидан Термиз шаҳридаги маҳаллаларда истиқомат қилувчи ногиронлиги бор фуқаролар аҳоли ўрганилди. Жумладан, ўрганишлар чоғида ишчи гуруҳга шаҳардаги “Маърифат” МФИ, И.Каримов кўчасида яшовчи I гуруҳ ногирони Баҳодир Рўзиев махсус каравот олиб беришларини сўраб, мурожаат қилди.

Депутатлар мурожаатни ўрганиб чиқишда ва каравотни хомийлар кўмагида Тошкент шаҳридаги савдо ташкилотларидан шартнома асосида пул ўтказиш йўли билан олиб келишга қарор қилинди.

Шунингдек, ушбу маҳаллада яшовчи ногиронлиги бор фуқаро Гулнара Турдиева шаҳардаги 4-оилавий поликлиникага қарашли патронаж томонидан узоқ муддатдан буюн тиббий кўриқдан ўтказилмаганлигини айтди. Депутатлар мазкур мурожаатни

ҳам кўриб чиқиб, шаҳардаги 4-сонли оилавий поликлиника масъулларга депутатлик сўрови билан чиқишда ҳамда тиббиёт ходимлари томонидан фуқаронини тиббий кўриқдан ўтказиш куни белгиланди.

Депутатларимиз, шунингдек, кун давомида яна бошқа хонадонларда ҳам бўлиб, ногиронлиги бор фуқароларнинг яшаш шароити билан танишишди. Ёши улғун кесалар ҳолидан хабар олинди ва мурожаатлари тинланди.

ДЕПУТАТ ЁЛҒИЗ ОТАХОНГА УЙ ҚУРИБ БЕРДИ



Инсонпарварлик — улғу сифат. Меҳрибонлик, ўзгаларга яхшилик қилиш юрак ишидир. Беғиз “Яхшиликдан эк даврак, мева берар ҳамма вақт”, дейишмаган. Халқ депутатлари Қашқадарё вилоят Кенгаши депутати Қўйли Нарзуллаев ҳам ана шундай ақидаларга амал қилиб яшайди.

Қ.Нарзуллаев воҳамизда тажрибали қурувчи сифатида танилган. Унинг эл-юрт равнақи, шаҳар ва қишлоқлар инфратузилмасини замонавий усулда қайта қуриш, меъморчилик ишини тубдан яхшилаш борасида амалга ошириб келаётган хайрли ишлари барчани мамнун этапти.

Қўйли Нарзуллаев фидойий, халқпарвар, саховатпеша тadbиркор бўлиш билан бирга,



депутат сифатида ҳам аҳоли ҳурматида сазовор бўлиб келмоқда. Унинг бевосита сайъ-ҳаракатлари билан Помуқ шаҳарчаси кундан-кунга обод бўлиб бораётир. Қўйли аканинг эътибори ва ғамхўрлиги туфайли “Барҳаёт” маҳалласида аҳоли учун бир қатор қулайликлар яратилди. Аҳоли мурожаатлари асосида ички йўллар тартибга келтирилди. Депутат кўмагида Помуқ жоме масжиди

таъмирланди. Кўчаларга тунги чиροқлар ўрнатилди. Аҳоли хонадонларига тоза ичимлик суви узлуксиз етиб бориши учун “Сувоқова” корхонаси сув насослари ва бошқа зарур жиҳозлар билан таъминланди. Бундан ташқари, Қўйли аканинг ташаббуси билан 22-умумий ўрта таълим мактаби ва унғай давлат хизматчиларининг уйлари жорий таъмирланган ҳолда замонавий қиёфага кел-

тирилди. Қўйли Нарзуллаев Помуқ шаҳарчасида яшовчи рус миллатига мансуб, ёлғиз нуроний Равил Топачовга шахсий уй-жой қуриб бериб, бир ук-сик қалбнинг кўнглини кўтарди.

— Саховат кўрсатиш ҳам-манинг ҳам қўлидан келавер-майди. Ўзбекистон “Адолат” социал-демократик партиясидан вилоят кенгашига сайланган депутат Қўйли Нарзуллаевнинг менга кўрсатган мурувватидан чексиз миннатдорман, — дейди Помуқ шаҳарчасида истиқомат қилаётган, боқувчи йўқ, ўзгалар парварлигига муҳтож нуроний Равил Топачов. — Ҳиммати балань депутатимизнинг меҳрибонлиги, саховатпешалигидан қўнғалим тоғдек кўтарилди. У кишининг узлари бевосита бош-қош бўлиб, менга икки хонали шанамагина уй қуриб берди. Бир инсоннинг ғамхўрлиги бўлса шунча бўлади-да. Ҳозир ушбу уйда кам-қўтсиз яшай келаяман. Инсон қадрни улуғланаётган юртда яшайётганимдан фахрланаман.

**Тўлқин ХИДИРОВ,
Миришкор туман кенгаши раиси**

Бино ва иншоотларни қуриш лойиҳаси ногиронлиги бўлганлар учун қулай муҳит яратилганлиги бўйича мажбурий экспертизадан ўтказилади.

- Пойтахтдаги бекатларни, жамоат транспорти, жумладан метрони ногиронлиги бор одамларга мослаштириш бўйича икки йиллик дастур амалга оширилади.**
- Хорижий мутахассислар иштирокида жорий йилда камидан 500 нафар лойиҳачи ва архитектор ногиронлиги бўлган шахслар учун тўлиқ ҳақ билан таълим олиши мумкин.**
- Ходимларнинг 50% да ногиронлик бўлган тadbиркорларга**
- Давлат буюртмачилари билан тўғридан-тўғри шартнома тузиш имконияти берилади.**
- Бундай одамларни ишга олган корхоналарга тadbиркорлик рейтингинда қўшимча балл берилади.**
- Ногиронлиги бўлганларнинг таълим олиши учун қулай муҳит ва зарур инфратузилма яратилади ҳамда уларга стипендия тўлаш тартиби жорий қилинади.**
- Ногиронлиги бор шахсларга касаначилик ва ҳунармандчилик асосида яратган ўз маҳсулотларини электрон платформа орқали сотиш имконини берувчи тизим йўлга қўйилади.**

Ижтимоий ҳимоя соҳасидаги хизматлар қамровини янада кенгайтириш бўйича устувор вазифалар юзасидан ўтган видеоселектор йиғилишидан

Янги имкониятлар йўли

Избоскан тумани, “Ойбек” МФИда яшовчи I-гуруҳ ногирони Минура Абдулазизова 1999 йилда туғилган. Имконияти чекланган бўлишига қарамай, суратлар чизади, қандолатчилик билан шуғулланади. У давлатимиз томонидан ёшларга яратиб берилаётган имкониятлардан самарали фойдаланиб, доим ўз иқтисодини кўрсатиш ҳаракатида.



Минура Абдулазизова имконияти чекланган бўлишига қарамай, суратлар чизади, қандолатчилик билан шуғулланади. У давлатимиз томонидан ёшларга яратиб берилаётган имкониятлардан самарали фойдаланиб, доим ўз иқтисодини кўрсатиш ҳаракатида.

— Маҳалла фаоллари Минура тўғрисида айтишганда, бизда ҳам қизиқ уйғонди, — дейди “Адолат” СДП Избоскан туман кенгаши депутати Дилфуза Аҳмедова. — “Партия патронажи” лойиҳаси доирасида хонадонига кириб бордик. Қаранки, у партияимизнинг Сайловолди дастури, фаолияти билан яқиндан таниш экан. Ёшларга бўлган эътиборимиз ҳам уни қувонтирди. Шу куннинг ўзида сарфимизга қўшилди. Минура Абдулазизованинг қувончи чексиз. У “Адолат” менинг имкония-

тимни кенгайтирди, энди янада фаол бўламан, дея ўз режаларини билдирди. Андижон вилоят кенгаши матбуот хизмати

